

A

213

876







2007080014



А 213  
876



## Матеріалы для исторіи патріарха московскаго Питьрима.

### I.

Настольная грамота Питьрима, митрополита сарскаго и подонскаго (Крутицкаго) <sup>1)</sup>.

Нѣвоуъ Божіею милостію архіепископъ царствующаго града Москвы и всея Великія и Малыя и Бѣлыя Россіи и всея сѣверныя страны и Поморія и многихъ государствъ святѣйшій патріархъ. Право и благочинно подобаетъ яже по намъ дѣятися и управлятися да не бесправилнѣ дѣемая и безчиннѣ смятенію и непостоянію виновна будутъ. Отяюду же и человѣческое изображеніе дѣлатель владыка и всего создатель создавъ яко изрядный и всѣхъ преизящный уды главу на высовомъ и благозрачномъ мѣсте тѣла всего водрузи и пятии чувства украси зрѣніемъ всѣхъ лутчимъ слышаніемъ обоняніемъ вкусомъ и осизаніемъ якоже меншія уды руки нижеа причины и по сѣхъ вся уды даже до ногъ послѣднихъ сущихъ правитель же симъ умъ постави

<sup>1)</sup> *Рукоп. Москов. Синод. Библ. № 99.* Эта настольная грамота написана на листѣ большого размѣра и разукрашена на поляхъ разными виньетками, изображающими золотомъ и красками цвѣты, птицъ, чашу и митру. Вънизу грамоты на шнурѣ прикрѣплена хорошо сохранившаяся краснаго воска патріаршая печать съ изображеніемъ на одной сторонѣ Богородицы съ младенцемъ Іисусомъ и на другой—благословляющей руки съ титуломъ патріарха. Къ грамотѣ пришнурованъ другой листъ, на которомъ находится слѣдующая надпись: «*рѣг августа вѣ дня поставленъ Питьримъ а ставленая грамота во рѣгѣ году написана в декабре*». На оборотной сторонѣ этого листа находится другая надпись: «*Настольная грамота Питьрима митрополита Крутицкаго который былъ съ Крутицъ въ новъ градъ а последи былъ святѣйшимъ патриархомъ московскимъ*».



души совершение правити и устроити тѣлесное смѣшеніе. Отъ него же вѣдущіи и мудріи вины приѣмши положиша и во общемъ человѣческаго естества состояніи чины различныя велможныхъ мѣсто начальниковъ князей и прочихъ достолѣпныхъ достоинствъ. Прежде всѣхъ же яко вышшія и цари да благочинно человѣчская дѣются а не неправилнѣ и согласія свѣне идѣ же бо начало ту и благочиніе и безначаліе есть вина несогласія и разрушенія по свѣтилу Григорию Богослову тому жъ де всячески и благочинію и красотѣ подобаше убо бытіи и въ церковномъ благолѣпії яко сущемъ и мирскаго причта лучшемъ и наипаче подобае имѣти благочинное и краснѣйшее. Тѣже чины уставиша благопроповѣдницы и блаженніи отцы и учителие во святѣйшей соборной и апостольской величїи церкви архіереомъ управителемъ быти и яко окомъ всехристоименитому исполненію и главамъ меншихъ и духовнымъ пастыремъ къ составленію духовнаго стада. Отнюду жъ смиреніе наше духовнаго корабля христовы церкви кормиломъ увѣрившеся тѣчаніе неупросимое показываетъ сущиѣхъ вездѣ подѣ нами церквамъ духовныхъ пастырей лишаемымъ достойныхъ различными добродѣтелями въ тѣ поставиша. Отнюду жъ и святѣйшей митрополіи сарской и подонской безправильнѣ оставлѣвшейся предстателя яко Митрополиту Селивестру вземъ здѣшній оставшу животъ. И нынѣ та святѣйшая митрополіа законнаго лишается пастыря архіерея. Не мало убо попеченіе имѣ смиреніе наше обрѣсти тояжде предстательство и пастырскій священныи чинъ воспріяти хотящаго безпредстателя пребыти и церковнымъ ея службамъ нерадивѣ и всеу носитися и тамошнимъ господиномъ христоимяннѣимъ людямъ душевно вредитися. Тѣмъ соборнѣ сразмотривше о ней обрѣтохомъ спаскаго монастыря <sup>1)</sup>, что на новомъ архимандрита Пітиріа достоіна и вѣдуща предстательство людей и устроеніе и правильнымъ убо жребиемъ отъ здѣ обрѣтшихся священнѣйшихъ митрополита Іоны ростовскаго и ярославскаго пречестнѣйшаго Мисаила архіепископа резанскаго и муромскаго и преподобнѣйшихъ архимандритовъ и игуменовъ во святомъ душѣ возлюбленныхъ братіи и сослужебникъ нашего смиренія и предѣ всѣми избравшагося архимандрита сего смиреніе наше законнаго Ми-

<sup>1)</sup> Слова: «спаскаго монастыря» были сначала, очевидно, пропущены переписчикомъ грамоты и потомъ надписаны надъ строкою едва замѣтными буквами.




трополита Пітиріма градомъ постави сары и подону <sup>1)</sup>. Долженъ убо сей священнѣйшій Митрополитъ Сарскій и Подонскій пречестный во святомъ душѣ возлюбленный братъ и сослужебникъ нашего смиренія Господинъ Питиримъ показать послушаніе и отошедъ въ прилучившуюся ему святѣйшую митрополию удержати ю со всею областію ея и всеми прилучившимися ей изначала предѣлы жъ и всеми стяжати жъ и вещьми и прочими же праведными достоинствы и наказати и научити сущихъ въ ней христоименитыхъ господнихъ людей всемъ душеполезнымъ и спасительнымъ и возвести въ лучшее преспѣяніе евангельскими и апостольскими ученіи и образомъ на самомъ себѣ всемъ всякъ бывая и по блаженномъ апостолу Павлу да весьма вящихъ приобрящетъ и спасетъ и предастъ Богу люди благопріятны освященный языкъ да и самъ съ духовными своими чады съ небесное внидетъ царство. Къ симъ имѣти волю и хотѣніе священнодѣйствовать въ ней и во всей области ея невозбранно съ поставленіемъ священнаго сопрестолія четцы поставити от нихъ же въ ней и во всей области ея и поддіаконы и діаконы рукоположити и во священнической санъ произвести духовныя отцы поставити своимъ велѣніемъ Божественныя храмы посвящати на ставропигіи своемъ и вся архіерейскія службы совершати невозбранно яко законный Митрополитъ Сарскій и Подонскій и сый и зовомый и соблюдаяй во всехъ подъ собою дѣемыхъ правильное опаство и церковная законная преданія яко слово имый дати Богу и нашему смиренію. Должнымъ сущимъ и всемъ обретаемымъ въ ней и во всей области ея честнѣйшимъ криликомъ и священнымъ же и мирскимъ преподобнѣмъ игуменомъ честнѣйшимъ священномонахомъ благоговѣннѣйшимъ священникомъ щедролубивымъ княземъ и всему христоименитому исполненію пристойную и должную честь и благоговѣніе дати тому и покореніе и послушаніе и покориться тому и послушати въ нихъ же глаголаѣ бы къ нимъ да призрѣть на душевную свою ползу. И любити того яко пастыря духовнаго и учителя бываемая бо къ нему честь и благоговѣніе къ нашему смиренію преходитъ и имъ же къ Богу его образъ архіерей хранить на земли слушаая бо глаголетъ васъ мене слушаеть и отменяяся васъ мене отмечается отменяяся же мене отмечается пославшаго мя. Къ симъ подати тому благодарнѣ вся церковная его праведная жъ и

<sup>1)</sup> Т. е. по рѣкѣ Дону.



входы якіи древле уставися и обычеи есть намѣсте изначала  
отдати способлюще тому во вѣхъ полезныхъ съ чистою лю-  
бовію и покореніемъ и ни въ чемъ же сопротивлятися тому со-  
противный бо тому явныя въ чемъ и непокоривъ священныи  
убо сый праздный буди всякаго священническаго чина и дѣйства  
презираи же упраздненія отлученъ и проклятый отъ Бога яко  
достойнъ совершеннаго изверженія мирскій или монахъ отлученъ  
и проклятый и не прощенъ отъ Бога и вѣхъ святыхъ Христовыхъ  
церкви и христіанскаго собора яко гордый и не покоривъ и  
церкви врагъ и нашъ презрѣтель. Отнюду жъ въ явленіе и  
всегдашное утвержденіе бысть и настоящее соборное дѣяніе  
нашего смиренія и дадеся поставленному Митрополиту Сарскому  
и Подонскому во святомъ душѣ брату и сослужебнику нашего  
смиренія Питириму въ царствующемъ и преименитомъ градѣ  
Москвѣ въ дому пресвятыя царицы Богородицы и великихъ  
святителей Петра и Алексѣя Іоны и Филиппа Московскихъ и  
всея Русіи чудотворцовъ и въ нашемъ патріарша дому въ лѣто  
отъ сотворенія свѣта 3724, а отъ воплощенія слова Божіа  
44<sup>а</sup>не мѣсяца декабря 8 дня.



Никонъ Божіею милостію архіепископъ царствую-  
щаго великаго града Москвы и всея Великія и Малыя  
и Бѣлыя Русіи патріархъ.

## II.

**Возведеніе Питирима, митрополита сарскаго и подонскаго, на митро-  
полию новгородскую <sup>1)</sup>.**

Ров года августа въ. 4. день в пятокъ избранъ на высо-  
чайшую степень великаго Нова града и великихъ лукъ Пити-  
римъ митрополитъ сарскій и подонскій, ходили власти всѣ и  
русскіе и греческіе къ Государю-вверхъ для избрания въ пятокъ.  
Того жъ мѣсяца въ. 5. д. в субботу на праздникъ боголѣпнаго  
преображенія спасова было ему возведение на новгородскую  
митрополию. благовестъ былъ валовой. мѣсто бодшое поставлено  
в соборе которое ставится на святительскихъ поставленіяхъ по  
тому жъ чину. Царь Государь у всеющнаго былъ у праздника

<sup>1)</sup> *Рукописный Сборникъ Моск. Синод. Библ. № 424, л. 283  
и слѣд.*



у преображения спасова у себе Государи на дворцѣ. а властей. митрополитъ ростовскій иона былъ со властями иными. а митрополитъ питиримъ былъ всоборе у всеошного. На утрее в субботу царь Государь пришелъ в соборъ и облачался в царское платие по своему государскому царскому чину. и власти все и русские и греческие и Питиримъ митрополитъ были въ соборе жъ. Царь Государь сѣлъ на своемъ государскомъ мѣсте среди церкви на новоуготованномъ. Да митрополитъ варламъ <sup>1)</sup> ростовскій на другой странѣ того же мѣста устроенному на лазоревѣ сукнѣ. И власти все по степенямъ по обычаю какъ и на поставленіи властей. Газскій митрополитъ пайсей, сербскій митрополитъ еодосей, а смоленскій архиепископъ Ондаретъ. ефескій <sup>2)</sup> (имя пропущено) рязанскій архиепископъ иларіонъ. тверскій архиепископъ іоасафъ. сибирскій архиепископъ Корнилій. мавидонскій архиепископъ погониянскій Нектарій <sup>3)</sup>. И потомъ Питиримъ митрополитъ облачонъ во всю святительскую одежду ста в олтарѣ предъ престоломъ. а дьяконъ соборной предъ царскими дверми началъ благослови владыко. Митрополитъ. благословенъ Богъ нашъ. и власти которые с нимъ в олтарѣ газскій. да ефескій съ прочими властями чорными и священники и дьяконы. аминь. царю небесный и трисвятое и по отче нашъ. и потомъ возгласъ, яко твое есть царство. и потомъ тропари пѣли пѣвчие дѣяки и подяки по ликомъ. Тропарь. Благословенъ еси Христе Боже нашъ. Преобразился на горѣ Христе Боже. Въ рождествѣ дѣвство. Кондакъ. егда сошедъ. слава. На горѣ преобразился. и нынѣ. в молитвахъ неусыпающую Богородицу. А митрополитъ Питиримъ кадилъ олтарь на церковныя страны и иконы. и царя властей и крылосы и народъ. а во всю церковь не ходилъ. Потомъ ектению большую говорилъ дьяконъ предъ царскими дверми. пѣли пѣвчие. а митрополитъ в олтарѣ стоялъ предъ престоломъ. Миръ всемъ главы ваша Господеви приклоните. Аминь. и Духови твоему. Тебѣ Господи. И потомъ при-

<sup>1)</sup> Ростовскимъ митрополитомъ въ это время былъ не Варлаамъ, умершій въ 1652 г. 9 іюня (см. Дворц. разр., т. III, стр. 321), а Іона, упомянутый выше въ этой же записи, ставшій ростовскимъ митрополитомъ съ 22 августа 1652 г. (Дворц. разр., т. III, стр. 325).

<sup>2)</sup> Вверху надъ этимъ словомъ другою рукою написано. «былъ у правника у всемилостиваго спаса на новомъ».

<sup>3)</sup> Къ этому слову въ записи относится слѣдующее добавленіе, сдѣланное снизу листа: «і архиморать троецкой сергіева монастыря иасафъ. и прочие все архимораты».



вели его изъ олтаря предъ царя на поклонъ. по правую руку его шолъ митрополитъ Пансей по другую Еоескій. (слѣдуетъ незначительный пропускъ). И поставили на степенехъ передъ митрополитомъ. и митрополитъ Варлаамъ (?) сказалъ ему Божие и царское изволение и всего освященнаго собора возведение его на высочайшую степень великаго Нова града и великихъ лукъ. прочолъ ему написано на столбцѣ. И потомъ принесли облачение ризницы новгородские и снего ризы сняли. и положили на него санъ и пѣли власти аѣнось. и протопопъ съ братнею. и потомъ пѣвчие пѣли аѣнось по влѣросомъ. Да и шапку и омофоръ положили на него ризницы новгородские. и потомъ пѣли пѣвчие дѣяки многолѣтне Государю большое. и здравствовали Государю власти и бояря и потомъ святѣйшимъ вселенскимъ патриархомъ православнымъ и преосвященнѣйшимъ митрополитомъ и архиепископомъ і епископомъ и всеосвященному собору многа лѣта. И потомъ сошелъ с орледа митрополитъ ростовскій и сталъ Питиримъ митрополитъ. и пожаловалъ поздравствовалъ ему Государь царь и пѣвчие пѣли преосвященнѣйшему Питириму митрополиту новгородскому и великолудскому исполати деспота. и потомъ Государь царь пошолъ с мѣста, а обѣдию слушалъ у праздника у преображенія спасова на дворцѣ. А митрополитъ ростовскій пона служилъ литургию со властью которымъ указано. а новгородскій митрополитъ Питиримъ служилъ в соборѣ с прочими властью по обычаю. Послѣ обѣди митрополитъ ростовскій отъ праздника пришелъ со властью в соборъ а Питиримъ митрополитъ дожидался ихъ. І пошли на патриарховъ дворъ въ палату крестовую за столъ. І изъ за стола по вѣсти ходили к Государю царю вверхъ <sup>1)</sup> по чину какъ бываетъ на святительскомъ поставленіи и пламенщики въ то время были по обычаю, околничей былъ отъ Государя присланъ василей семеновичъ во-лынскій. Да дѣякъ думной пларионъ допухинъ отъ Государя сошедъ. Ѣздилъ около города по чину и потомъ столъ былъ в крестовой палате большой на патриарховъ дворъ. Сукно лазоревое с митрополичья мѣста пожаловалъ Государь царь пѣвчимъ патриаршимъ и подякомъ. дѣлили. пѣвчем. д. аршина. а подяку. полтроя аршина.

---

<sup>1)</sup> Къ этому слову на поляхъ записи относится слѣдующая приписка: «Ѣдилъ на ослати».



III:

Настольная грамота Питирима, митрополита новгородскаго и велинолуцкаго <sup>1)</sup>).

Божією милостію преосвященныя митрополиты, Іона ростовскій и ярославскій, Паисій Гаскій, Козма Амасійскій, Феодосій Вершадскій, і архієпископы Филаретъ Смоленскій і Дорогобужскій, Іларіонъ резанскій и муромскій, Іоасафъ Тверскій и Кашинскій, Корнилій Сибирскій и Тоболскій, Нектарій Погоняевскій: Право и благочинно подобаєть яже по намъ дѣяться и управлятися да не безправиѣ дѣямая і безчинѣ смятенію и непостоянню виновна будутъ отнюду же и человекъча изображенія дѣлатель Владыка и всего создатель создавъ яко изрядный и всеѣхъ преизящный удѣ главу на високомъ и благозрачномъ мѣсте тѣла всего водрузи, и пятии чувства украси, зрѣніемъ всеѣхъ дутчимъ слышаніемъ обоняніемъ вкусомъ и осязаніемъ, яко же меншія же уды руки нижае причини и по сихъ вся уды даже до ногъ по слѣднихъ сущихъ, правитель же смъ умъ постави души совершенное правити и устроити тѣлесное смѣшеніе. Отъ него жъ вѣдущіи и мудріи вины приемше положиша и во общемъ человекъческаго естества состояніи чины различныя ведомыхъ мѣсто начальниковъ князей и прочихъ достолѣпныхъ достоинствъ. Прежде всеѣхъ же яко вышшія и царяда благочинно человекъческая дѣются а не неправдиѣ и согласія свѣне, и дѣ же бо начало ту и благочиніе и безначаліе есть вина несогласія и разрушенія по свѣтилу Григорію Богослову, тому жъ де всячески и благочинію и красотѣ подобаше быті въ церковномъ благодѣпнн яко сущимъ и мирскаго пречта лучшемъ и наипаче подобаєть имѣти благочинное и краснѣйшее. Тѣмъ же чины уставивша богопроповѣд-

---

<sup>1)</sup> *Рукоп. Моск. Синод. Библ. № 104.* Грамота эта имѣетъ въ нѣкоторыхъ мѣстахъ буквальное сходство съ настольною грамотою Питирима, выданною ему при возведеніи его въ санъ крутицкаго митрополита, но при этомъ во многихъ мѣстахъ и рознится отъ нея. По своей отдѣлкѣ и украшеніямъ она гораздо бѣднѣе послѣдней. Внизу ея на шнурѣ прикрѣплена печать краснаго воска, плохо сохранявшаяся. На обратной сторонѣ грамоты находится слѣдующая надпись: «Настольная грамота святѣйшаго Питирима патриарха еще когда бывшаго ему митрополитомъ в великомъ новѣградѣ а переведеса скрутицѣ в новѣ городъ между патриаршества і сия грамота митрополѣа а не патриарша».



ницы и блаженніи наши отцы и учителя во святѣйшей соборной и апостольской велицѣй церкви, архіереомъ управителемъ быти яко окомъ всерхстоимевитому исполненію и главамъ меньшихъ духовныхъ пастырей къ составленію духовнаго стада. Отнюду жъ смиреніе наше духовнаго корабля христовы церкви кормиломъ увѣрившеся тшаніе притѣжное показываетъ сущимъ вездѣ подѣ нами церквамъ духовныхъ пастырей лишаемыхъ до стойныхъ и различными добродѣтелями въ тѣхъ поставиша. Якоже и святѣйшіи митрополніи великаго Новаграда и Великихъ Лукъ, по невѣдомымъ судьбамъ Божиимъ правнаго лишившеся пастыря, и ныне немало попеченіе наше имѣ смиреніе во еже обрѣсти тоя преосвященнѣйшей митрополніи предстательство и пастырскій священныи чинъ вручити мужу евангельскими великими цвѣтушу и дѣлы своими Христова словеса по силѣ въ дѣло производяшу, понеже той велицѣй митрополіи безъ предстателя пребыти неможно і церковнымъ ея службамъ нерадивѣ носитися и тамошнимъ господнимъ христоименитымъ людямъ душевно вредитися, тѣмъ соборне о семъ разсмотривше обрѣтохомъ преосвященнѣйшаго Питирима митрополита Сарскаго и Подонскаго, къ таковому предстательству достойна и вѣдуща стадо Христово подобающимъ устроениемъ и въ мѣру возраста исполнения Христова поставить и правильнымъ убо жребиемъ бывшихъ обрѣтшихся въ богоспасаемомъ славномъ великомъ царствующемъ граде Москвѣ вышенисаныхъ священнѣйшихъ митрополитовъ, архіепископовъ и честныхъ архимандритовъ и игуменовъ и предѣ всѣми избранного вышереченнаго преосвященнѣйшаго Питирима митрополита Сарскаго и Подонскаго, сего смиреннейше законнаго архіерея въ предстательство Новгородскіи митрополніи благодатию данною намъ отъ пресвятого и животворящаго Духа. И по Государеву цареву великаго князя Алексѣя Михайловича всея Великіи и Малыи и Бѣлыи Росіи Самодержца указу межъ патриаршества благословихомъ и приведохомъ: долженъ убо есть сей преосвященнѣйшій митрополитъ Великаго Новаграда и Великихъ Лукъ пречестный во святомъ Дусѣ возлюбленный братъ нашего смиренія Господинъ Питиримъ показати послушание и отшедъ въ пресвятую митрополию Великаго Новаграда и Великихъ Лукъ удержати ю со всею областію ея и всѣми прилучившимися изначала предѣлы жъ и всеми стяжаній же и вещми и прочими же праведными достоинствы и наказати и научити сущихъ въ ней христоименитыхъ господнихъ людей всѣмъ душеполезнымъ и спасительнымъ и возвести въ



лучшее преспѣваніе евангельскими и апостольскими учении и образомъ по самому себѣ всѣмъ вся бываяй по блаженномъ апостолу Павлу да весьма вѣщихъ приобрящетъ и спасетъ и предасть Богу люди благопріятны освященный языкъ святъ да и самъ съ духовными своими чады въ небесное внидетъ царствіе. Къ сему имѣти волю священнодѣйствовать по всей области своей митрополіи невозбранно съ поставленіемъ священнаго сопредстоящаго четцы поставити поддѣконы и діаконы рукоположити и во священныи чинъ произвести духовныи отцы поставити своими повелѣніи божественныи храмы посвящати на ставропигніи своемъ и вся архіерейскія службы совершати невозбранно яко законный Митрополитъ великаго Новаграда и Великихъ Лукъ и сый и зомый и соблюдаяй во всѣхъ подъ собою дѣемыхъ правдыи опасство и церковнаго законная преданія яко слово имый дати Богу и къ нашему смиренію. Должнымъ же сущимъ и всѣмъ обрѣтаемымъ въ митрополіи его и во всей области ея честиѣишимъ и священѣишимъ кпріикомъ преподобѣишимъ архимандритомъ и игуменомъ, честиѣишимъ монахомъ, благоговѣинымъ священникомъ, щедролубивымъ княземъ и всему христіанскому исполненію пристойную и должную честь и благоговѣіе дати ему митрополиту Питириму и покореніе и послушаніе и покоритися ему и послушати въ нихъ же глаголаеъ бы къ нимъ да призрѣтъ на душевную свою ползу. И любити того яко пастыря духовнаго и учителя бываемая бо къ нему честь и благоговѣіе къ нашему смиренію преходитъ и имъ же къ Богу его же образъ архіерей хранить на земли, слушаи бо глаголетъ васъ мене слушаеъ и отметаи васъ мене отметаеъ, отметаи же мене отметаеъ пославшаго мя. Къ сему подати тому благодарѣи вся церковная его праведная же и входыиіи древле уставыи и обычай естъ намѣсте пзначала отдати способлюще ему благодарѣи во всѣхъ полезныхъ съ чистою любовію и покореніемъ и ни въ чемъ же сопротивлятися ему, сопротивный бо тому являеъ въ чемъ и непокоривъ священныи убо праздныи убо буди всякаго священническаго чина и дѣйства, презираи же уираздвеніа отлученъ и проклятыи отъ Бога яко достопѣи совершеннаго пзверженіи, мпрскій же или монахъ отлученъ и проклятыи и неprochenъ отъ Бога и внѣ святыи Христовы церкви и христіанскаго собора яко гордый и непокоривъ и церквѣи врагъ и нашего смиреніа презрѣтель. Отнюду же въ явленіе и всегдашнее утвержденіе быстъ и настоящее соборное дѣяніе и дадеся древдеиному митрополиту Великаго Новаграда и Великихъ



Дукъ во святѣмъ Дусѣ ѡрату нашего смиренна Господину Патриму в славномъ и богоспасаемомъ царствующемъ великомъ градѣ Москвѣ в дому Преславныя Царицы Богородицы честнаго и славнаго ея Успенія, і великихъ святителей Петра, Алексѣя, Іоны и Филиппа московскихъ и всея Русіи чудотворцовъ, і нынѣ патриаршемъ дому. В лѣто отъ сотворенія свѣта 7200<sup>1)</sup>, а отъ воплощенія слова Божія 71<sup>1)</sup> году, Августа въ 3 день.

Смиранный Іоанна Божіею милостію митрополитъ ростовскій і ерославскій.



Ὁ ταπεινὸς μητροπολίτης Γασσης ὑπερίτιμος τῶν ὑπερίτιμων Παῖσιος.

Καὶ ὁ ταπεινὸς μητροπολίτης ἀμαζίας κοσμάς ὑπερέτιμος καὶ ἑξάρχος παντὸς εὐξήνου πόντου.

† Смиранный Θεодосій Божнею милостію митрополитъ Вершацкій.

Смиранный Божнею милостію Иосафъ патріархъ московскій и всея русіи <sup>2)</sup>).

Смирн. Филаретъ Божнею милостію архіепископъ Смоленскій и Дорогобужскій.

† Смиранный Іларіонъ архіепископъ Рязанскій и Муромскій.

† Смиранный Іосафъ божіею милостію архіепископъ Тферскій и кашинскій.

† Смиранный Корнилій; Божнею милостію архіепископъ сибирскій и тоболскій

† Ὁ ταπεινὸς ἀρχιεπίσκοπος πωγωνιανῆς Νεκτάριος.

<sup>1)</sup> Цифра Г—обозначенная въ грамотѣ другими чернилами—очевидно, внесена въ грамоту по ошибкѣ, вмѣсто другой цифры Д, которая и есть настоящая. Это видно изъ сопоставленія между собою года и мѣсяца «отъ воплощенія Слова Б.» и года «отъ сотворенія свѣта».

<sup>2)</sup> Подпись эта повѣйшаго происхожденія и обязана своимъ существованіемъ тому обычаю, по которому каждый патріархъ въ то время, по вступленіи въ управленіе патріаршимъ престоломъ, скрѣплялъ или подтверждалъ своею подписью всѣ подобнаго рода грамоты, выданныя его предшественниками (Ист. Росс. Цер., т. II, стр. 116).



IV.

Настольна грамота Питирима, патріарха московскаго <sup>1)</sup>.

Богъ Всеблагій, всемудрый, и челоѡколюбивый, едпный въ-  
трехъ ипостасѣхъ, проповѣдуемый, вѣруемый, славимый же, и  
покланяемый Отецъ, Сынъ и Духъ Святый: Вся строяй, и присно  
промышляй о родѣ челоѡческомъ, яже и о пользѣ. Долготер-  
пѣливо же носй невѣдѣнія и прегрѣшенія челоѡковъ, и не  
абіе, во по малу и по части приводяй въ познаніе своего чело-  
ѡколюбія и млости. Иже въ началѣ зданія небесе и земли рече,  
да будетъ свѣтъ, и слово его дѣло бысть. И устроися вся все-  
ленная, и создася челоѡкъ на знаніе самаго Бога, и славословіе  
Его: и украсися умомъ и зрѣніемъ. Обаче отъ діавола прелщенъ  
служаше зданіямъ неже зиждителю. Всемилоствивый же Богъ, не  
терпя зданіе свое видѣти гибнущо, воплотися единаъ отъ Троицы  
сынъ и слово безначальнаго Отца и бысть челоѡкъ, да челоѡка  
обожитъ: и претерпѣ крестъ и смерть подъя, и возставъ изъ  
мертвыхъ, посла свои ученики и апостолы по всю селенную,  
повелѣвъ имъ вся языки тѣю подохлопкоства омраченныя, про-  
свѣтити свѣтомъ богознанія своего. Еже и бысть по многихъ  
странахъ. Народъ російскій, или далекостію мѣста отлежащъ.  
отъ путешествія богопроповѣдниковъ духоносныхъ апостолъ: или  
непокорствомъ жестокоправія своего и прелести богоѡвѣденія  
на долзѣ оста. Аще по временамъ нѣкогда частно вѣру христіан-  
скую приимаху, обаче частыхъ ради бравій вѣра христова совер-  
шенно в нихъ не вкоренися. Егда же благоволи всещедрый Богъ  
озарити и нашему славеноросійскому народу лучію богознанія  
своего, чрезъ порожденіе святымъ крещеніемъ самодержавнаго  
російскаго великаго князя Владимира, от церкви святѣйшей кон-  
стантинопольской и тогда вложи сокровище своего богознанія в  
сосудѣхъ скудельныхъ, в насъ, глаголю, народъ славеноросійскомъ

<sup>1)</sup> *Рукоп. Москв. Синод. библ. № 102.* Эта настольная грамо-  
та патріарха Питирима написана на большемъ александрійскомъ листѣ  
бумаги и завернута въ такой же величины шелковую золотистаго  
цвѣта матерію; написана красиво и богато украшена затѣйливыми  
виньетками золотомъ и красками. Къ грамотѣ было прикрѣплено на  
шнурѣхъ 8 печатей краснаго воска, изъ которыхъ сохранились въ цѣ-  
лости только 6 печатей (на трехъ изъ нихъ можно разобрать имена:  
митр. Павла, архіеп. Варсоноѣя и епис. Іоакима).



И тако весь народъ нашъ російскій свободися отъ тмы невѣдѣнія и просвѣтися свѣтомъ вѣры православно каѳолическія. И еще и послѣжде иныхъ народовъ въ божество достиже, обаче ничимъ же лишился древле просіявшихъ въ рѣцѣ христіанствѣй греческаго закона. Да явится велие челоуѣколюбіе Божіе, яко сосуды гнѣва совершенныя въ погибель, пренесе по мзозмъ долготерпѣніи: и да покажется богатство славы его на сосудѣхъ милости, яже предуготова въ славу, яже и призва ны, не отъ іудей, но отъ языкъ: да премножество силы будетъ Божія, и не отъ насъ. Тогда послася отъ церкви константинопольскія, въ наставленіе и ученіе народу російскому митрополитъ Михаилъ. И отъ тогда въ прочее рукополагахуся по временамъ архіереи російскіи митрополити отъ константинопольскаго патріарха, дондеже поущеніемъ божіимъ, грѣхъ ради нашихъ турскій султанъ овладѣ греческою страной, тогда же дадеся повелѣніе отъ селенскаго патріарха, за неудобство путешествія къ Константинополю, избиратися и рукополагатися митрополитомъ російскимъ отъ своихъ епископъ. И тако бысть до лѣтъ блаженнаго и прпснопамятнаго кротчайшаго великаго государя царя и великаго князя Θεодора Іоанновича всея росіи. Тогда же строеніемъ всеблагаго и всевѣдѣщаго Бога, прииде въ царствующій градъ Москву Іеремія, архіепископъ константинопольскій селенскій патріархъ, и устрои въ преименитомъ и славномъ царствующемъ великомъ градѣ Москвѣ престолъ патріаршескій. И сущаго митрополита московскаго и всея росіи, господина Іова, устрои патріарха царствующаго великаго града Москвы, и всея росіи. И по совѣту и по согласнымъ грамотамъ, прочихъ трехъ патріарховъ Александрійскаго Мелетія, Антиохійскаго Іоакима, Іерусалимскаго Софронія, впредъ повелѣ рукополагати патріарха московскаго и всея росіи, митрополитомъ и архіепископомъ и епископомъ російскимъ: Въ Константинополь же ради сего не посылати, точію по рукоположеніи, и на престолъ патріаршескій возведеніи, къ патріарху селенскому писати, новопоставленному патріарху царствующаго града Москвы, согласное писаніе о своемъ рукоположеніи и возведеніи. И оттолѣ тако бысть до лѣтъ ٤٣٢٨, возвождахуся и рукополагахуся на престолъ патріаршескій архіереи отъ своихъ митрополитовъ, и епископовъ. Въ лѣто же ٤٣٢٩, по ввѣгда бывшій патріархъ Никонъ, самовольно престолъ патріаршескій остави, и отъѣде въ монастырь святаго воскресенія Христа Бога нашего, приидоша въ царствующій сей градъ Москву Паисій патріархъ Александрійскій, и Макарій патріархъ Антиохійскій: и видѣвши церковь російскую вдовствующую, избраша купно съ



россійскими архіереи дому живоначальныя троицы Сергіева мона-  
стыря архимандрита господина Іоасафа, и рукоположиша его, и  
возведоша на престолъ патріаршескій царствующаго великаго  
града Москвы, и всея росіи, иже пребысть на престолѣ патріар-  
шестѣмъ ѣ лѣтъ, и днѣй семь. Таже отъ тлѣннаго и прісно текущаго,  
и никогда же стоящаго мира сего, преселися въ вѣчное, и никогда  
же старѣющееся, но прісно пребывающее блаженство въ небесныя  
скни, воспріяти архипастырства своего достойное мздовоздаяніе,  
отъ богатодавца владыки всѣхъ и Бога, Христа Ісуса, архипастыри  
архипастырей. И тако церковь христіано россійская вдовствовавши,  
въ сѣтованіе одѣянна пребысть мѣснца четыре, и днѣй осмь на-  
десять. Богомудрый же и христіолюбивый, благочестія рачитель,  
правымъ истиннаго евангельскаго ученія путемъ ходяй; честными  
всякихъ богоугодныхъ добродѣтелей бисеры обогоченный, в пре-  
красную православія порфиру одѣянный, много цѣннаго благо-  
честія діадимомъ обложенный, и златозарнымъ правды, и право-  
вѣрія вѣвцемъ украшенный, боговѣнчанный великій Государь  
нашъ царь и великій князь Алексѣй Михайловичъ всея Великія  
и Малыя и Бѣлыя Россіи Самодержецъ, Московскій, кіевскій,  
владимірскій, новгородскій, царь казанскій, царь астраханскій,  
царь сібирскій, Государь псковскій, и великій князь смоленскій,  
тверскій, угорскій, пермскій, вятскій, болгарскій и иныхъ, Го-  
сударь и великій князь новаграда низовскія земли, черниговскій,  
резанскій, ростовскій, ярославскій, бѣлозерскій, удорскій, обдор-  
скій, коновинскій, и всея сѣверныя страны повелитель, и Госу-  
дарь пверскія земли, кавказскихъ и грузинскихъ царей, и ка-  
бардинскія земли, черкасскихъ, и горскихъ князей, и иныхъ мно-  
гихъ государствъ, и земель восточныхъ, и западныхъ, и сѣвер-  
ныхъ, отчичъ, и дѣдичъ, и наследникъ, и Государь, и обладатель,  
по царствующему пророку и богоотцу Давиду любляше благолѣ-  
піе дому Божего, и мѣсто селенія славы его: и тщася всегда  
и печася о благолѣтномъ православныя церкви россійскія пра-  
вленіи же и благоустроеніи, по царскому своему благополезному  
попеченію, и богодвѣжному тѣжанію простре пресвѣтлаго своего  
царскаго величества мудрая и благопоспѣшная словеса къ намъ  
своимъ богомолцомъ, Питриму митрополиту новгородскому и  
неликолуцкому, Парфенію митрополиту астраханскому и терскому,  
Павлу митрополиту сарскому и подонскому, Іларіону митропо-  
литу резанскому и муромскому, Филарету митрополиту нижего-  
родскому и алатырскому, Варсонофію архіепископу смоленскому  
и дорогобужскому, Стефану архіепископу суждалскому и юрьев



скому, Іосифу архіепископу коломенскому и кошпрскому, Іоакиму епископу сербославенскому, глаголя: Всесвященнѣйшіи митрополиты, богоизбранные архіепископы и христолюбивые епископы, преподобные архимандриты и игумены, и весь священный соборе, исполните мою радость, совершите мое желаніе, боголюбезно же и братолюбезно, праведно же и правильно попецитесь, яко да всекрасная жена в солнце облеченная, и вѣнецъ изъ дванадесять звѣздъ на главѣ имущая, православная церковь мать наша, духовно родившая ны, и нынѣ же вдовствующая, духовнымъ бракомъ, духовному жениху, ходящу правымъ заповѣдѣй господнихъ путемъ, благочестно и благозаконно, немедленно обратится, яко да богонасажденный православныя россійскія церкви виноградъ, от благаго дѣлателя, небо точнымъ евангельскаго ученія, и духовнаго исправленія водами напоимъ возрастаетъ и плодъ всякихъ добродѣтелей приносить. Яко да словесная наства Христова, благочестиваго христіанороссійскаго царства, благопоставленному крайнему архипастырю своему, дверію впадущему, правою спасенія стезею ходящая, благопосѣбно вручится: алчущая, здоровымъ евангельскаго ученія питиемъ напится, жаждующая же, живыми слова Божьяго водами напоится. Блудящая же, на правую спасенія стезю, всецѣла и благоздрова наставится: и по благоподвижномъ теченія поприщи привременныя жизни сей, в горній сіюъ, в небесную овчарню, во архипастырю истинному Христу Богу нашему жизнедавцу, вѣчно благъ его неизреченныхъ наслаждаться преселится. Мы же смиренніи его пресвѣтлаго царскаго величества богомолцы слышаще сія отъ богомудраго сердца его отринговенная, в симъ и иная вищшая къ намъ вѣщанная, адаманта твердѣйшая, и сапфира свѣтлѣйшая словеса, рѣхомъ ему великому Государю. Тщаніе твое свѣтлѣйшій и благочестивѣйшій нашъ Великій государю царю и великій княже Алексіе Михайловичъ всея Великія и Малыя и Бѣлыя Росіи Самодержче, яко свѣтозарное солнце сіяетъ, да православная церковь наша россійская православіе апостолское яко многоплодная маслина пресладко, духовныя плоды в душахъ человѣческихъ раждаетъ: правовѣріе же яко кринъ благовоанный процвѣтаетъ: и всемъ христіанороссійскимъ людемъ благополезное ко спасенію обонаніе приноситъ: достохвальное предложеніе намъ благочестивѣйшими вашими царскими усты, вси любезно приедемъ, вси похваляемъ, и вси содѣяти усердно желаемъ. Таже молихомъ прилежно всемилостиваго и всевѣдѣщаго Бога, да подастъ намъ крайняго архіерея его же



вѣсть божественными своими судьбами, быти полезна народу христіанороссійскому, могуща добръ пасты люди его христоименитыя. По семъ вся сошедшея в патріаршую палату, начаху благоразсудно и законно совѣтовати о избраніи на вдовствующую православную церковь россійскую архипастыря и правителя. И по многомъ разсмотрѣніи о коемъ-ждо опасно испытавшее, обрѣтохомъ мужа боголюбива, страннолюбива, свята, воздержна, незлобива, кротка, цѣломудра, честна, не гордѣлива, не срамнопріобрѣтна, разумна, и мудра: присно поучащася в законѣ Господни, и всякими добродѣтелями украшенна, могуща добръ пасты словесныя Христовы овцы, не нужно, но волно, и по Богу, усердно, всесвященнѣйшаго митрополита великаго Новаграда и Великихъ Лукъ, господина Питирима: и начахомъ молити его, вси преклоняюще ему главы наша, да будетъ архипастырь пастырей, и отецъ всего христіанороссійскаго народа, да преидеть отъ престола митрополіи Великаго Новаграда и Великихъ Лукъ, на вдовствующій престолъ патріаршескій, царствующаго великаго града Москвы и всея Россіи; и яко боголюбивъ первопрестольникъ воспредѣлательствитъ и богоизбранный невѣстъ православной россійской церкви, женихъ богомудръ, бракомъ духовнымъ супружествится, и чада своя духовная, Христовы же овцы словесныя, вручающыяся ему, на неборасленномъ слова Божія злацѣ да возуцасеть; да Христу Спасу предающему ему великій сей талантъ усугубитъ, и мзду стократную воспріиметь, отъ богатодавца и человеколюбца всѣхъ Владыки Христа Бога. Смиренномудрый же Господинъ Питиримъ митрополитъ, подражая прекротаго Моисея, низведе себе въ глубину крайняго смиренномудрія, отвѣщавъ рече къ намъ: Братіе мои, и господіе, сослужители, всесвященнѣйшіе архіереи, и весь святыи соборе, азъ убо издревле любихъ мирное и безмолвное житіе, нынѣ же уже старостию согорбленъ, и нѣмощію тѣлесе удрученъ, желая прежделюбимаго мною безмолвнаго житія, хотѣхъ и тое бремя отложить, аще и малшее сего, за еже и припутствовахъ въ царствующій сей градъ Москву изъ Великаго Новаграда: вы же понуждаете мя воспріяти величайшій яремъ, его же аще кто и здравъ и добль едва возможетъ удобѣ понести. Молюся, изберите могущаго, на него же и азъ бупно съ вами соизволю. Мы же паки молихомъ его, глаголюще: вскую народъ христоименитый, нынѣ безпастырный душеполезнымъ слова Божія злагомъ питати отрицаешися: вскую неботочнымъ кроткаго исправленія духовнаго нектаромъ паству Христову упоявати не хо-



щещи: всюю правою спасенія стезею, чистымъ евангельскаго житія путемъ словесныя овцы водити отменишися. Въсп бо великаго Моусіа посылаема от Бога во Египетъ извести Израїля, иже отрицашеся, глаголя себе худа и косноязычна, и по семъ Богу пославшу его подчинившася, и великаго Іеремію отъ священна суща во чревѣ матерни, юна себе зовуща, и не достойна, и ины мнози отрицающыяся сицеваго превеликаго архіерейскаго предстательства: и пакы по великію Божию покаряющыяся: яко сотвори и великій в богословѣхъ Григорій... <sup>1)</sup> за величайшую любовь Христа, рекшаго къ Петру первоверховнѣйшему, и любительнѣйшему его апостолу: аще любимица, Петре, паси овцы мои. Покажи убо и ты вящшую любовь ко Христу положившему душу свою за овцы, и рекшему, больше сея любви никтоже имать, да кто душу свою положитъ за любимыя свои. Вручися паствѣ Христа Спасителя, купившаго ю кровію своею предражайшею. Подаждь ей безсмертную пажить, слово благовѣствованія Божіе, положи душу твою по Христу за ны, постражи яко добръ воинъ Іисуса Христа: яко Павелъ небесокованная труба, злата всякаго свѣтлѣйшая, во всю селенную гласящая, вѣщаетъ къ Фессалоняномъ, глаголя: не точію благовѣствованіе Божіе подахомъ намъ, но и души своя, за еже любезни намъ бысте. Всесвященнѣйшій же митрополитъ Питиримъ и пощевыхъ и вящихъ сихъ къ нему отъ насъ всего священнаго собора моленіяхъ и увѣщаніяхъ, надолзѣ пребысть и моленіямъ нашимъ отнюдь не преклоненъ. Мы же рѣхомъ ему, аще не вручися отъ нынѣ предстательствовати паствѣ Христовой, вдовствующѣ перквѣ христіанороссійствѣ, и аще кая отъ овецъ паствы сея заблудитъ, или погибнетъ, мы вины о семъ не имамы, но ты отнынѣ за таковыя отдаши слово началопастырю Христу, и кровь ея отъ рукъ твоихъ да взыщется, тишету же и единыя погибшыя души, самъ паче прочихъ вѣси. Онъ же о семъ въ величѣмъ недоумѣніи бысть, и рече: воля Господня да будетъ. И тако съ нуждею едва увѣщяхомъ его послушати моленія нашего. И абіе благочестивому великому Государю нашему царю и великому князю Алексію Михайловичу всея Великія и Малыя и Бѣлыя Росіи Самодержцу возвѣстихомъ о всемъ семъ, возрадовася радостию неизглаголанною: и яко Давидъ иногда восплеша отъ радости, и гласы испусти

---

<sup>1)</sup> Пропущено одно слово, которое нельзя было разобрать съ рукописи, протертой въ этомъ мѣстѣ.



благодарныя, и удивныя, глаголя: О глубина богатства и разума Божіею: кто бо позна непостижный умъ Господа Бога, иже своимъ божественнымъ преестественнымъ предзнавѣмъ, вся предувѣдъ прежде бытія ихъ, и яже убо предувѣдъ сія и предустави; и яже предустави, сія и призва: и яже призва, сія и прослави славящии бо мя, рече, прославию. Понеже по божественному апостолу Павлу, никто же честь пріемлетъ самъ собою, токмо званный отъ Бога. И тако благочестивый царь, и весь его царскій сн҃г҃лѣтъ преимущественное свое изволеніе и согласіе даде, еже немедленно возвести его на патріаршескій престолъ, вѣдый житіе его достохвальное, и яко добръ вѣсть священная писанія, могущая его умудрити во спасеніе, и иныя научати, малодушныя утѣшати, безчинныя воумляти, не мощнымъ долготерпѣти во всемъ, и о исправленіи слова истинны внимательно прилѣжати. о врученной же паствѣ бодренно нещися, и тшатися представить Господу Христу Іисусу словесныя его овцы цѣлы, здравы и непорочны. Таже возведомъ его патріарха на высочайшій престолъ царствующаго и преименитаго великаго града Москвы, и всея Россіи въ соборѣхъ велицѣхъ церкви Пресвятыя Владычицы нашей Богородицы и присно Дѣвы Маріи всесвятѣйшаго ея Успенія, и святыхъ іерарховъ первопрестоловѣковъ всесвятѣйшихъ митрополитовъ Петра, Алексія Іоны и Филиппа, всея Россіи чудотворцовъ. В лѣто отъ созданія міра 7380, го. отъ воплощенія же новаго Адама Іисуса Христа Бога, лѣта 7400, го мѣсяца іуліа въ 3 день пидикта. Прочее убо долженствуетъ отцу нашему Великому Господину святѣйшему Пятириму патріарху царствующаго града Москвы и всея Россіи, яже отъ Бога пріять благочестно, и честно жително хранили. предстательствовати же трудолюбно Новому Сіону православныя церкви російскія, созданному на твердомъ основаніи апостольскія вѣры, отъ архітектона Христа Бога: и сіяти свѣтло, яко свѣтозарю свѣтильнику на свѣщницѣ церковномъ, и право правити слово истинны, тшатися же всегда о благодѣльномъ православныя святыя и апостольскія церкви правленіи, благостроеніи же и благочиніи, по всей своей патріаршѣ епархіи, по чину святыя восточныя церкви, согласно и кунно чинно съ прочими четырьмя православными патріархи, константинопольскимъ, александрійскимъ, антїохійскимъ и іерусалимскимъ, по преданію святыхъ апостолъ, и святыхъ отецъ, и цѣла блюсти, елика сила, яко достовѣтъ патріархомъ евангельская и апостольская, и отеческая преданія, и святыя правила. и яко благочинному раздавателю устава, и красоты церкви, и чиновъ, хпротонисати правильно



чтецы, иподдіаконы, діаконы, протодіаконы, архидіаконы, пресвитеры, протопопы и игумены, архимандриты, епископы, архієпископы и митрополиты. Къ сему яко апостолоподражателю сушу, теплѣйшихъ ко Господу Богу молебниковъ благолѣпствуетъ творити моленія о благочестивѣйшемъ, златозарными истиннаго богомудрія лучами облистанномъ великомъ Государѣ царѣ и великомъ князѣ Алексіѣ Михайловичѣ всея Великія и Малыя и Бѣлыя Россіи Самодержцѣ, нже яко яснѣйшее благочестія солнце, вся во мрачной скудости, и убожества тмѣ сѣдѣюща, и милости царскія просящія, ясносвѣтлымъ великіи милости свѣтомъ освѣщаетъ. Творити молитвы о благочестивой супружѣ его о христіолюбивѣйшей, Государынѣ нашей царицѣ и великой княгинѣ Наталіи Кириловнѣ, многоцѣнными всякихъ благоутодныхъ добродѣтелей бисеры одобренной, нже яко маслина плодovitа, благовоинный великіи милостыни елей на нищихъ же и убогіи обильно изливаетъ. Творити прошенія о его Государскихъ благородныхъ чадахъ а нашихъ великихъ Государѣхъ. О благородномъ Государѣ нашемъ царевичѣ и великомъ князѣ Θεодорѣ Алексѣевичѣ, о благородномъ Государѣ нашемъ и великомъ князѣ Іоаннѣ Алексѣевичѣ, о благородномъ Государѣ нашемъ и великомъ князѣ Петрѣ Алексѣевичѣ, о благородныхъ царевнахъ. о благородной Государынѣ нашей царицѣ и великой княгинѣ Принѣ Михайловнѣ, о благородной Государынѣ и великой княгинѣ Евдокіи Алексѣевнѣ, о благородной Государынѣ и великой княгинѣ Марѣѣ Алексѣевнѣ, о благородной Государынѣ и великой княгинѣ Софіи Алексѣевнѣ, о благородной Государынѣ и великой княгинѣ Екаторинѣ Алексѣевнѣ, о благородной Государынѣ и великой княгинѣ Маріи Алексѣевнѣ, о благородной Государынѣ и великой княгинѣ Θεодосіи Алексѣевнѣ. Иже благовонныхъ ароматъ благочестія, православія же и правовѣрія цвѣтами прекрасными свѣтло сіють. Молити же ся о прензящномъ царскаго пресвѣтлаго велчества сикклитѣ, и о всемъ благочестивомъ исполненіи. Понеже богоизбранный Духа святаго сосудъ божественный апостолъ Павелъ молить глаголя сие: Молю убо прежде всѣхъ творити моленія, прошенія, благодаренія за вся человеки, за царя и за всѣхъ, нже во власти суть, да тихое и безмольное житіе поживемъ во всякомъ благочестіи и честности. Зане священныя молитвы яко пѣнія котвы царскую державу утврждають, и варвароплеменные языки покаріють. Учити же ему врученное ему словесное стадо Христопо, правовѣрныя люди христіанскому закону и благому жителству, оледѣнѣвшая же злобами сердца человековъ, раломъ духовнымъ носко-



пывати, и израстившее терніе злодѣяній искореняти. разлабѣвшыя же мысли раздорниковъ здравого ученія истиннаго солию сотягати. Блудящія же по стремнинамъ непроходнымъ своемыслий и тщегласныхъ буесловій, гласомъ благовѣщаннымъ священныхъ писаній воззывать и на путь истинный покоренія и послушанія наставляти, ослѣпленная зломрачною невѣдѣнія мглою умная очеса, мнящихся вѣчто видѣти, ничтоже вѣдающихъ, благозарною лучею изъясненными солнца свѣтлѣйшими богодохновенныхъ Отець догматы просвѣщати, терніе плеселосѣятелей, богозданнымъ слова Божія и истиннаго богомудрія сѣчивомъ благопоспѣшно посѣвати, пагубоносную мнѣномудрія вѣкпхъ лествъ, небеснымъ истиннаго благоразумія огнемъ, благолѣпно истребляти раскольниковъ адскій душевредный пламень разгарающійся, благодатными истиннаго правовѣрія водами, от небеснаго источника Духа Святаго истекающими благоугодиѣ погашати. и вся еретики поелико можно, к православію и единенію святыхъ восточныхъ церкви обращати, и невѣрныя свѣтлымъ и проявленнымъ своимъ дѣяніемъ, подражатели истинныя православныя вѣры сотворити. Зане патріархъ есть образъ Христовъ одушевленъ, дѣлы и словесы в себѣ воображая истинну. Быти же ему учителю во всѣмъ равно, высокимъ же и смиреннымъ: кротку сущу во ученіяхъ, не яко оговоривъ клявше, но образу бывающу паствы. Къ непокаряющимся же быти обличителю, и запретителю, благовременно и безвременно: и таковыя пастырскимъ духоваго наказанія жезломъ на правую спасенія стезю возводитъ тщатся. за истинну же и благочестіе и соблюденіе праведнаго, времени зовущу, глаголати предъ цари и не стыдѣтсѣ, и душу свою, яко доброму пастырю, полагати за овцы. Вы же свѣтозарными душеспасительнаго правовѣрія лучами озаренніи, сынове сущіи во Христа православніи, преосвященніи архіереи, благородніи бояре и князи, преподобніи архимандриты и игумены и весь освященный чинъ, и вси православніи людіе, Отцу нашему Великому Господню святѣйшему Питириму патріарху царствующаго града Москвы и всея Россіи покарайтесь, и честь ему воздавайте достойную, яко Господню и Отцу, и архипастырю, яко и прежде бывшимъ святѣйшимъ патріархомъ, вѣдающе, яко елико кто честь воздастъ архіерею, самому Христу честь отдаетъ: архіереевъ бо честь на самаго Христа восходитъ, по реченному: славящыя мя прославлю, уничижаяй же мя безчестенъ будетъ и паки: преемляй пророка во имя пророче, мзду пророчу пріемлетъ: и пріемляй праведника во имя праведниче, мзду праведнику пріемлетъ. Повинуйтесь же



ему и покарайтесь, по божественному апостолу глаголющему: повинуйтесь наставникомъ вашимъ и покарайтесь: тѣмъ бо бдѣть о душахъ вашихъ, яко слово воздати хотяще: да съ радостію сіе творятъ, а не воздыхающе, нѣсть бо полезно вамъ сіе. Понеже убо яко апостоловъ пріемникъ, имать власть данную от Христа святымъ апостоломъ, вязати и рѣшити. и его же аще свяжете на земли, будетъ связана на небеси и его же разрѣшите на земли, будетъ разрѣшена на небеси. Того ради слушайте его вси яко самаго Христа по евангельскому завѣщанію ко святымъ его ученикомъ и апостоломъ, глаголющему: слушай васъ, мене слушаетъ, и отсѣкая васъ, мене отсѣкается, отсѣкайся же мене, отсѣкается пославшаго мя. и пакы: отсѣкайся мене, и не пріемляй гласъ мой имать судящаго ему, слово еже глаголахъ, оно судитъ ему в послѣдній день. Яко же бо пастыри жезломъ послѣдующыя имъ овцы пасутъ, заблуждающыя же наказуютъ жезломъ и равнятъ, и волки отъ стада отгоняютъ. Іаковъ патріархъ, Моусей и Давидъ, того ради и являшеся имъ ангелъ господень, яко освященнымъ и образомъ архіереевъ. Тако святѣйшій Питиримъ патріархъ, пастырскимъ духовнаго исправленія жезломъ, покаряющыяся и послѣдующыя ему пасетъ: не покаряющыяся же ему, и не послѣдующыя жезломъ духовнаго наказанія поражаетъ, равнятъ и крушатъ, яко сосуды скуделничы. Противящыяся же ему и блзнящыя стадо Христово, яко жестовыйныя волки, данною ему отъ Христа властію, да отгонятъ от овчарни Христовы, да не кроткія овцы восхитятъ, расторгнутъ и погубятъ: но да купно вся пасомыя, и со пастыри, всесильною пастыреначальника Христа Бога нашего помощію, в небесную овчарню вселитъ, и не увядаемую вѣчнаго блаженства пажить обрящутъ, и доброму пастырю, душу свою за овцы положившему, купно же и агнцу нескверному, Христу Богу, предстати сподобятся. И да речетъ дерзновенно: Господи, се азъ и дѣти моя. Услышитъ же: добръ, благій рабе и вѣрне, надъ малыми был еси вѣренъ, над многими тя поставлю, видиши въ радость Господа твоего: и да сподобится со всеми врученными ему получитьи, яже око не видѣ, и ухо не слыша, и на сердце человека не взыдоша, яже уготова Богъ любящимъ Его, идѣ же желаютъ аггели прииянути. Сего убо ради дадеся ему отцу нашему Великому Господину святѣйшему Питириму патріарху московскому и всея Россіи, сія наша настояная грамота, на утвержденіе его, во царствующемъ славномъ и пріемлемомъ градѣ Москвѣ, в дому Пресвятыя Владычицы Божіей городицы и прісно Дѣвы Маріи, честнаго еи



Успенія: и великихъ архіереевъ, первопрестолняковъ царствующаго града Москвы Петра, Алексія Іоны и Филиппа митрополитовъ, всея россіи чудотворцовъ. И сію настолную грамоту мы предреченіи архіерей руками нашими подписавше, и печати наши приложивше, отдахомъ ему отцу нашему великому Господню святѣйшему Питириму патріарху московскому и всея Россіи, дѣта отъ мирозданія ⁂Зрп<sup>р</sup>, отъ воплощенія же новаго Адама Іисуса Христа Бога нашего ⁂ѧхов<sup>р</sup>, мѣсяца августа въ день. Индикта, f.

Смиренный Павелъ Божіею милостию митрополитъ Сарскій и Подонскій.

Смиренный Паренный митрополитъ богоспасаемыхъ градовъ Асторохани і Терекъ.

† Смиренный Іларіонъ Божіею милостию митрополитъ рязанскій и муромскій.

Смиренный Филаретъ Божіею милостию митрополитъ нижняго града і Алатаря.

Смиренный Варсуноей Божіею милостию архіепископъ Смоленскій и Дорогобужескій.

† Смиренный Стефан Божію милостию архіепископъ суждольскій і юревскій;

Смерный Іоакимъ милостию Божіею епископъ Срблемъ славунскимъ.

## V.

Грамата святѣйшаго патріарха Питиріа Московскаго и Діонисію патріарху Цареградскому ѱвѣдомітелная ѱ его возведеніи на престолъ патріаршескій по преставленіи святѣйшаго Іоасафа патріарха Московскаго ⁂Зрп<sup>р</sup> года, а отъ рождества Христова ⁂ѧхов мѣсяца декемврія в. <sup>1</sup>).

Питиримъ

Милостию Божіею Патріархъ

Царствующаго великаго града Москвы, и всея Россіи.

Преблаженнѣйше и святѣйше Владыко, Господне Господине Діонусіе Милостию Божіею архіепископе Константінополя Новаго Рима, и селенскій патріархо, нашея же мѣрности любезне и пржежане по святѣмъ Дусъ брате и сослужителю: Блаженство твое

<sup>1</sup>) *Рукоп. Моск. Синод. библ. № 36.* Заглавіемъ этой грамоты Питирима мы беремъ ту надпись, которая находится на обратной сторонѣ грамоты.



братски цѣлуемъ, молящися усердно всесплному Господу Богу, да здравствуетъ пресвѣтлость ваша сугубо по души и тѣлу, укрѣпляема во Христѣ, и соблюдаема благостію всесвятаго Духа в состояніе, растѣніе же и пользу священныя вашей паствы, вѣрныя архіерейству вашему отъ архипастыря Христа истиннаго Бога нашего.

Возвѣщаемъ преблаженству вашему, яко російскаго государства Отцу и архипастырю прежде бывшему патріарху Господни Іоасафу теченія своего поприще протекшу, и общій долгъ человѣческаго естества воздавшу, преселившуся въ небесныя скниі: пріяти трудовъ своего архипастырства мздовоздаяніе отъ богатодавца Владыки всѣхъ и архипастыря архипастырей Христа Бога нашего, дѣла Господня  $\text{ѲѲХОВ}^{\text{т}}$ , мпрозданія же  $\text{ѲРП}^{\text{т}}$ : мѣсяца февруарія в 31 день: Богъ же всемпосердый и вѣдый вся прежде бытія ихъ, и вся строяй несказаннымъ своимъ промысломъ яже к пользѣ рода человѣческаго, иже вращаетъ кругъ зданія сего яко же хочетъ. Умерщвляетъ и животворитъ, ипзлагаетъ же и возвышаетъ по предвѣчному своему предзнанію. Преведе тихость нашу во старости уже сущую отъ престола митрополіи Великаго Нова града и Великихъ Лукъ: и всемошноу десницею своею возведе ны на превысочайшій богохранимаго сего царства патріаршескій вдовствующій престолъ царствующаго великаго града Москвы и всея Россіи: аще намъ и отричающимся тяжкаго бремене сего взятія, за удрученіе тѣлесе нашего старостію и за превелпкое паствы попеченіе и нашего присѣщенія за множество пасомыхъ неудобство, и за слова отданіе за великое предстательство паствы пастыреначалику Христу. Обаче принуждаемъ отъ всего російскаго архіерейскаго священнаго собора. Увѣщаемъ же отъ христіанственнѣйшаго благочестивѣйшаго великаго Государя царя и великаго князя Алексѣя Михайловича, всея Великія и Малыя и Бѣлыя Россіи Самодержца, со всѣмъ его царскимъ сигилтомъ, еже не оставити намъ надолѣхъ пребыти святѣй церкви російстѣй вдовствующей, но вручитися намъ паствѣ спротствующей, дабы сущи безпастырна не хищалася отъ волка мысленнаго распужающаго ю діавола, по реченному самѣмъ Благимъ Пастыремъ Христомъ Спасомъ нашимъ у Іоанна во главѣ десятой, волкъ расхищаетъ и распудитъ овцы, и не скиталася бы паства Христова народъ христіанороссійскій по волямъ своимъ дестнымъ в пустыхъ и безпашитныхъ мѣстѣхъ, и не изгнбла бы томима голодомъ, и таема жаждою, безпитанія и прохлажденія слова Божьего окормляющаго ю в тихую овчарию, здѣ убо в дѣланіе заповѣдей



Господнихъ, в горѣмъ же Сіонѣ в небесныя скиніи, идѣ же татѣ не приходитъ, не раскопываетъ, ни крадетъ. Тамо вѣчно да насется на златѣ безконечнаго блаженства. Мы же смиренніи сотѣсенни суще отъ обоюду предлагающе предъ очеса наша мысленная неудобство немощи вашея, и спротство и безпастырство словесныхъ многихъ овецъ, за ны же истинный пастырь, Христосъ Богъ нашъ, яко свѣтильникъ вжегъ святую плоть, изъ дѣвы честныя воспріа, и взыска погибшую драхму, и не пощади себе самаго, но предаде себе на полное страданіе, и пали бровь свою обильно во искупленіе рода человѣческаго: возмѣхомъ да не будемъ влиновны скитанія и погибели безпастырныхъ паствы возвергохомъ печаль нашу на глаголющаго къ Моусею во исходѣ во главѣ А, пди нынѣ азъ отверзу уста твоя, и устрою тя еже возглаголеши. Покорихся за силу повелѣвающаго, подчинихся тяжкому сему ярму и не хотѣ, вѣдый яко вся мощна Богу повелѣвающему и немощныя укрѣпляющему, и не мудрымъ и рыба-ремъ дающему уста и мудрость. Молимъ убо преблаженство ваше пріяти сіе наше писаніе, и яко образу Христу живушу и одушевленну подвигнутися и помоществовати намъ молитвами и ходатайства вашими о нашемъ смиреніи ко Господу Богу по завѣщанному святымъ апостоломъ Іаковомъ о другъ друзѣ молитися, во еже всѣмъ цѣлымъ и здоровымъ быти: (братъ бо отъ брата помоществуемъ по мудрому Соломону, яко градъ твердъ и высокъ. во притчахъ глава III). Всѣмъ явленно познавается владычня заповѣдь вящшая всѣхъ заповѣдей повелѣвающая любити другъ друга. Желаемъ бо и надѣемся не быти оставленн забвенн отъ братскаго вашего любовнаго союза. но во святыхъ и божественныхъ пѣснопѣніяхъ, и молитвахъ вашихъ, паче же при безкровныя жертвы приношеніи воспоминавши быти вашею пречестностію яко брата и сослужителя, яко и законъ церковный лежитъ, яко да сподобимся не вредны пребыти отъ всякаго навѣта и искушенія противнаго: и наставляти люди стяжанныя Христу кровію Его предражайшею, намъ же ввѣренныя возводить на путь спасенія. И повеже и ваше преблаженство никогда же забвенно въ сущей по намъ церкви, но присно поминается въ первыхъ ваше архіерейство. Тебе же преблаженнѣйшаго святѣйшаго архіепископа Константинополя новаго Рома и севельскаго патріарха Господина Діонисія, во святѣмъ Дусѣ старѣйшаго нашего брата. по семъ александрійскаго патріарха. таже антіохійскаго. по немъ іеросалимскаго. да будемъ имѣти вси едни совѣтъ, едину волю и согласіе о святѣй нашей непорочнои православной христіанской

каволической вѣрѣ греческаго закона, преданной намъ отъ святыхъ апостолъ и святыхъ отецъ: едино тщаніе и промыселъ о святыхъ Божиихъ церквахъ, и едино моленіе сословное и ничимъ же разнственно возсылати, да едиными усты, единымъ сердцемъ славимъ святую и единосущную и нераздѣльную Троицу, Отца Сына, и Святаго Духа, и преданныя намъ усты и правила святыхъ апостолъ и свитыхъ богоносныхъ отецъ, на семи святыхъ селенскихъ сѣнодѣхъ, и девяти помѣстныхъ сошедшихся, и утвердившихъ держати крѣпцѣ, повеленныя ими уставы и правила творити во вѣки не подвижно. да будемъ вси едно тѣло церкви, имуще главу Спасителя нашего Христа. И молю молити намъ вкупѣ съ вами всещедрого и человеколюбиваго Бога Господа нашего Іисуса Христа и пречистую его мать, и святыхъ великихъ и небесныхъ архистратигъ Михаила, и Гаврііла, и прочихъ небесныхъ силъ: и святаго честнаго великаго предтечу Крестителя Іоанна и всѣхъ пророкъ, и святыхъ апостолъ, и святыхъ великихъ іерархъ, и свитыхъ добропобѣдныхъ мученикъ, и преподобныхъ и богоносныхъ отецъ и всѣхъ святыхъ, Богу угодившихъ, о благосостояніи святыхъ Божиихъ церквей, и о многолѣтнемъ здравіи и о спасеніи благочестивѣйшаго и христілюбиваго Государя нашего царя и великаго князя Алексіа Мпхайловича всея великія и Малыя и Бѣлыя Россіи Самодержца и о благовѣрной и христілюбивой Государынѣ нашей царицѣ и великой княгинѣ Наталіи Елриловнѣ, И о ихъ благородныхъ чадѣхъ. о благовѣрномъ и благородномъ Государѣ нашемъ и великомъ князѣ Θεодорѣ Алексіевичѣ, и благовѣрномъ и благородномъ Государѣ нашемъ и великомъ князѣ Іоаннѣ Алексіевичѣ, и благовѣрномъ и благородномъ Государѣ нашемъ и великомъ князѣ Петрѣ Алексіевичѣ, и о благовѣрной царевнѣ и великой княжнѣ Иринѣ Михайловнѣ, и о благовѣрной царевнѣ и великой княжнѣ Аннѣ Михайловнѣ, и о благовѣрной царевнѣ и великой княжнѣ Татіанѣ Михайловнѣ, и о благовѣрной царевнѣ и великой княжнѣ Евдокіи Алексіевнѣ, и о благовѣрной государынѣ и великой княжнѣ Марѣ Алексіевнѣ, и о благовѣрной государынѣ и великой княжнѣ Софіи Алексіевнѣ, и о благовѣрной государынѣ и великой княжнѣ Еватерпнѣ Алексіевнѣ, и о благовѣрной государынѣ и великой княжнѣ Маріи Алексіевнѣ, и о благовѣрной государынѣ и великой княжнѣ Θεодосіи Алексіевнѣ и о впредь будущихъ Государя нашего чадѣхъ, ихъ же ему великому Государю подастъ Богъ. И да послетъ ему великому Государю свыше свое милосердіе, помощь и одоленіе на невидимыя и видимыя врпги. И да устроитъ Господь Богъ ему вели-



кому Государю нашему, и христолюбивому его воинству и всему православному христіанству вся полезная Тебе жъ брата нашего крайняго архіерея да сподобитъ сіяти яко солнце свѣтлостми словесъ и дѣлъ твоихъ, и да простираеши и намъ лучю Богодухновеннаго озаренія Божественныхъ писаній къ наставленію мысленныхъ овецъ во еже ходити имъ яко чадомъ свѣта во дни непреклоненно стезею заповѣдей Божіихъ. Прочее же всемилостивый и всещедрый Господь Богъ да соблюдетъ церковь свою вышшу всякія напасти и озлобленія, неподлежиму ни единому же вреду или тщетѣ, но да утвердитъ ю самъ Христосъ на себе самомъ незыбленномъ камени, и да пребудетъ необуреваема отъ волнъ мятежныхъ, и ниже врата ада да одолѣютъ ей, но всегда побѣждающая да будетъ и да явится и пребываетъ на ней непреборимая всекрѣпкая мощь Божія, и благодать его божественная немощи врачующая, и не недостаточная восполняющая чрезъ свойственную вседержительную силу и блаженства вашего молитвы насъ да укрѣпять ко исполненію заповѣдей евангельскихъ и къ совершенію служенія врученнаго намъ. И да дастся намъ самѣмъ тихое и безмолвное преніи житєйство, и теченіе добръ скончати, и вѣру непорочну незыблено соблюдишимъ со врученною намъ паствою воспріяти вышнее наслѣдіе в неизглаголаннѣй радости, и въ наслажденіе неизреченныхъ благъ достигнути всехъ веселящихся жилище, и сподобитися намъ услышати: Благій рабе и добрый вниди въ радость господина твоего отнюду же отбѣже всякая болѣзнь и печаль и стenanіe, да во вѣки безконечныя прославимъ и возблагодаримъ безначальнаго отца, со едиnorodнымъ Его Сыномъ, и еднoсуцнымъ и животворящимъ его Святымъ Духомъ едиho божество, едину силу и едину власть во трѣхъ ипостасѣхъ. Во извѣщеніе же и показаніе братекъ любви, послахъ преблаженству твоему бархатъ гладкой, сорокъ соболей, сто златицъ червонныхъ, не яко рачителю сихъ (вѣмъ убо яко безстрастна в сѣцевыхъ святыня ваша), но яко любовнаго союза исполнителю. Понеже нѣкогда и Христосъ Спасъ нашъ любезно пріи вдовы двѣ лѣлѣтъ, паче много вергающихъ въ газофулакіонъ: сице и преблаженство твое молю, аще и мала посланная отъ насъ воспріяти любезно и благодарно. Еще послахомъ сущей по вамъ церкви милостыню сто златицъ червонныхъ, да сорокъ соболей, въ воспоминаеніе во Господѣ усолшаго прежде бывшаго брата нашего патріарха Івасафа, и молимъ братское ваше любовное союзство, еже написати имя его въ церковныхъ дѣптухахъ, съ прочими усопшими православными

архіерей и воспоминати вамъ его въ молитвахъ вашихъ, паче же во приношеніи безкровныя жертвы, яко да Господь Богъ подастъ ему вѣчнаго блаженства наслѣдіе, и небесныхъ скініяхъ со святыми упокоевіе, и дѣ же о всѣхъ во православной вѣрѣ скончавшихся молить всещедрого Бога святая церковь водворенія. Желая же видѣти восписаніе любовное и согласное к намъ отъ пресвятости вашей, и о нашемъ благопробываніи, и церкви святыя матери нашей мѣрѣ и состояніи слышати. Господь же Богъ Саваоѣ да сохранитъ ваше блаженство здраво и благопослѣдно и дѣланіемъ евангелскимъ на лѣта многа и блага. Писася в приименіи славномъ и царствующемъ великомъ градѣ Москвѣ в дому Пресвятыя пречистыя преблагословенныя и славныя Владычицы нашей Богородицы и приснодѣвы Маріи всечестнаго ея Успенія: и великихъ архіерей первопрестольнаго царствующаго града Москвы Петра, Алексія, Іоны и Филиппа митрополитовъ всея Россіи чудотворцевъ, въ нашей патріархіи лѣта от созданія міра 7391 го, отъ воплощенія Божія слова 1700 го мѣсяца Декаврія в—день.

## VI.

Отъ гетмана Івана Самуиловича поздравительная о возшествіи на престоль его святѣйшества. Изъ Мени 1700 августа 11<sup>1)</sup>.

Милостію Божіею Питириму святѣйшему патриарху великаго царствующаго града Москвы и всея окружныя государския земли царствъ и Государствъ. Здрову спасенія христіанскаго Гиларію многомилостивому моему Архипастырю всеблаженнѣйшему Отцеви и благодѣтелеви.

---

<sup>1)</sup> *Рукоп. Москов. Синод. Библ. № 37.* Будучи сложено пакетомъ, посланіе это па адресной сторонѣ своей имѣетъ слѣдующую надпись: «Милостію Божіею Питириму святѣйшему патриарху великаго Царствующаго града Москвы и всея окружныя Государския земли Царствъ и Государствъ. Здраву Спасенія Христіанскаго Гиларію Многомилостивому Моему Архипастырю всеблаженнѣйшему в Духъ Святой Отцеви и благодѣтелеви честию отдать». Затѣмъ слѣдуетъ другою рукою и другими чернилами еще одна, очевидно позднѣйшаго происхожденія, надпись, которую мы поставили въ заглавіе поздравительнаго посланія. Посланіе было запечатано краснаго воска печатію, на которой вытиснуты изображеніе гетмана съ его «клейнодами» и слова: «печать малой росіи войска его царскаго пресвѣтлаго величества запорожскаго».



Иванъ Самопловичъ гетманъ зъ войскомъ Его царскаго пресвѣтлаго Величества запорожскимъ смиренно челомъ бѣю. Всѣхъ рвчей небесныхъ и земныхъ Владца и сердцевицычъ человѣколюбивый Христосъ Господи, видячи въ избранномъ своемъ сосуде Петру къ соби горячо палающую любовь, молцль до него: Петре, пася агца Моя, певнымъ тебы знакомъ и теперъ сприякладу Петра святого той же наивышшихъ творецъ, провѣдѣвши ваше святыни сердце и горячую любовь, стадо паствы своею то есть народъ людскихъ пренапсвятѣйшою кровю своею искупленныхъ вашей святыни зезволилъ получить и на престолъ намѣстництва Апостольскаго патріаршескій рачилъ выставати. О чемъ я зо всемъ войскомъ запорожскимъ и народомъ христіанскимъ учувши, пжъ вашу святыню на тотъ пресвѣтлый и пречестный патріаршескій престолъ (подъ часъ и моего на гетманство новаго обраня): благый Господи, яко не поколебимого, восточной церкви матце нашої глгара поставилъ, велце радостенъ zostaю. А о разъ вѣншую и зычу абы самъ наивышшихъ Архіерей Христосъ Господи вашу святыню Пана Пастыря и Благодѣтеля моего великого на томъ патріаршества правлении во благоденствии здравии, яко свѣтло православия для помноженя хвалы своею святой рачилъ впозные времена заховати. При которомъ тежъ моемъ вѣншованю и наивышнее рабское чело- бытъе и паки обравши Архипастырзкаго вашего благословенія прошу. А я тежъ козвекъ вѣдаю то добре пжъ ваша святыня яко чадолюбивый всего православия есте по бозѣ отецъ и учитель. Еднакъ же не по нехизаючи повинности моей чынити досыть при теперешней оказыи з одданемъ поклону подъ ваши благословляючи свѣтѣйшыи вѣлающыя руки: и усилие прошу хтѣй ваша святительская милость мене слугу своего зъ войскомъ его царскаго пресвѣтлаго Величества запорожскимъ, въ отеческой своей ховаючи ласцѣ, въ каждыхъ подающихъ до Великого Государя нашего до Его царскаго пресвѣтлаго Величества оказаіихъ теплымъ предстателемъ и милостивымъ быти ходатаемъ, въ чемъ наша зайде просьба. А я въ потребахъ моихъ благодѣтельство изъ ваше святыни получивши до згону живота моего во всемъ быти поволнымъ обещаю: яко наивышшимъ будучи слугою и на сей часъ благословенію вашему святому покорнеся полежаю. Изъ Меня, Августа вѣ АХОВ.

Вашое Святыни Отца и Пастыря и благодѣтеля великого во всемъ поволный въ духѣ святомъ сынъ и слуга.

Иванъ Самойловъ гетманъ войска Его Царскаго Пресвѣтлаго Величества запорожскаго.

VII.

Духовное завѣщаніе патріарха Пятирима <sup>1)</sup>).

Во имя святыя единосущныя животворящія и нераздѣльныя Троицы, Отца, Сына и Святаго Духа.

Азъ рабъ Божій Пятиримъ патріархъ московскій и всея Россіи. Размышляхъ часто здравъ еще сый, и во благополучествѣ двей житія моего: что человѣкъ есть и что будетъ по семъ. и усмотрѣвъ мысленными очесы души моея, яко человѣкъ суетъ уподобися, и дни его яко сѣнь преходятъ. кто убо есть человѣкъ иже поживетъ и не узрѣтъ смерти. за не человѣкъ яко трава, дніе же его яко цвѣтъ селный, тако отцвѣтетъ: яко духъ пройде въ немъ, и не будетъ, и не познаетъ къ тому мѣста своего. изыдетъ убо духъ его, и возвратится въ землю свою, в той день погибнутъ вся помышленія его. Яко убо хранина тѣлесе человѣческаго не имать тверда камене положенна во основаніи жизни сея, но на земли и пескъ основася: и того ради буря болѣзней возвѣявшій, и рѣдъ смертій нападшій на ню, разрушается паденіемъ велимъ. Душа же обитавшая в ней яко въ гостиницѣ, тщится к создателю своему, о всѣхъ въ мірѣ семъ содѣянныхъ слово воздати. Яко божественный апостолъ избранный сосудъ Христовъ, ангелоподобная труба ясно гласящая во вся концы селенныя, глаголя: яко поставися человѣкомъ единою умрети, по семъ же судъ. Ужаснухся не готовности моея, устрашихся лѣности и унынія, вострепетах о бѣдности души моея грѣшныя, внегда разсудити ми со вниманіемъ пригѣжнымъ, и оно поощное церкви матери къ намъ по вся дни увѣщательное и возбуждательное слово: се женихъ грядетъ полунощи, и блаженъ рабъ

---

<sup>1)</sup> *Рукоп. Москов. Синод. Библ.*, № 11. Это духовное завѣщаніе представляет собою небольшую передѣлку другого духовнаго завѣщанія Пятирима, составленнаго имъ еще въ бытность его новгородскимъ митрополитомъ, въ 1672 году и напечатаннаго въ «Новгород. Лѣтописяхъ» (Пзд. Археограф. Комм. 1879 г., стр 163—16.) Приводимое нами духовное завѣщаніе патріарха Пятирима есть подлинное его завѣщаніе, сохранившееся въ числѣ рукописей Москов. Синод. Библиотеки. Оно въ нѣкоторыхъ мѣстахъ сходно съ духовнымъ завѣщаніемъ Павла, митр. сарскаго и подонскаго (крутицкаго) (см. «Христ. Чтеніе» за 1886 г., ч. I, стр. 612). Списокъ духовнаго завѣщанія патріарха Пятирима находится въ Императорской Публичной Библиотекѣ (Отд. рукоп. XVII, № 88, л. 10, 24).



его же обрящетъ бдяща, недостойнъ же его же обрящетъ лѣня-  
щася. Вострепетахъ, яко чрезъ вся дни живота моего не бдѣхъ,  
но спяхъ в лѣности, и въ небреженіи о спасеніи моемъ жихъ  
ави нѣкогда же пѣтя умрети. и уподобихся дѣвамъ буймъ, не  
стяжахъ едеа в сосудъ души моея, на срѣтеніе жениха небеснаго,  
и ничтоже приплодотворихъ въ житищу некончаемая вѣчности.  
О сихъ страхомъ велимъ объять бывъ, божественнымъ дарова-  
ніемъ воспрянухъ мало отъ сна уныніа моего, уже солнцу те-  
ченіа моего приближающуся на западъ свой: уже торжищу жизни  
моея разрѣшится хотищу: уже часу дне моего единадесятому  
сущу: уже цвѣту бытіа моего отпадшу безплодну, и тѣлеси мо-  
ему ко увяданію, паче же яко травѣ къ посѣченію смертныа  
косы приближшуся. Тогда убо возвратихся на страсть жалѣніа  
и покаяніа, егда ми узне тернъ послѣдняго бѣдства и страха:  
егда болѣзни смертныа обыдоша мя, и вся силы плоти моея не-  
годны начаша быти къ дѣланію заповѣдей Божіихъ. Обаче о  
семъ радуюся, яко и у вратъ смертныхъ ставшу ми Господь  
просвѣщеніе мое и Спаситель мой отрясе мракъ души моея, и  
даде ми прозрѣти и увидѣти яму гробную, уже мнѣ ископаему,  
погребателная уготовляема, и нозѣ изнесшихъ ко гробу братію  
мою, готовы суща и мене грѣшнаго износить. радуюся же благо-  
дарю Господа помиловавшаго мя милосердіемъ своимъ, и дав-  
шаго ми время на покаяніе. Еже аще и мало есть на оплаканіе  
множества и величества грѣховъ моихъ, обаче не отчаеваюся о  
спасеніи моемъ, взирая на величество щедротъ Божіихъ, имъ же  
удобѣе есть вся грѣхи всего міра простити, неже всему морю  
едину пскру огня вещественнаго угасити. Уповаю на благоутро-  
біе Божіе, яко имъ же правомъ благоволи простити блудницу  
плакавшуюся, Ахава сѣтовавша, мытаря умилившася, Манасію  
покаявшася, разбойнича исповѣдавшася: тако и мене грѣшнаго и  
окаяннаго раба своего, по величій милости своей и по множе-  
ству щедротъ своихъ проститъ, и помилуетъ, вынѣ въ послѣд-  
ней годниѣ жизни моея истинно кающася, о всѣхъ грѣсѣхъ мо-  
ихъ, яже содѣяхъ окаянный по вся дни живота моего словомъ и  
дѣломъ, и помышленіемъ уповаю на рекшаго нѣкогда женѣ грѣш-  
ницѣ: вѣра твоя спасе тя пди в мирѣ: яко тожде речетъ и мнѣ  
грѣшному, дѣлъ убо благихъ не сотворившему по вѣру истин-  
ную не... <sup>1)</sup> соблювшему. Азъ бо о вѣрѣ, яже есть даръ Божій,

---

<sup>1)</sup> Окончаніе слова, начинающагося слогомъ *не*, въ рукописк  
ырвано.

надежно похвалитися дерзаю, ибо оную Божию благодатию яко во святомъ крещеніи усты восприѣмивша моего неповѣдахъ, и по семъ во время поставленія моего въ архіерейство, писаніемъ исповѣданну предахъ: тако неизмѣнно, не преложно, и не отъятно, до кончины живота моего соблюдаю не точію же тыя, кі, со ставы вѣры святыя канолическія, иже святымъ символомъ со держими суть, но и вся узаконенія отъ святыхъ апостолъ, и отъ святыхъ отецъ намъ поданая, седмю святыми соборы все ленскими и помѣстными ухваленная: къ тому и вся предапія отъ церкви матери нашей вѣрно хранимая лобзаю, держу, и до по слѣдняго моего издыханія, соблюдаю. Противная же церкви суе мудрствующія, яко святыя отцы прокляша, и азъ проклиная, а понеже немощію и страстми человѣческаго естества одержимъ бѣхъ вся дни живота моего, не дѣтъ ми быше не страдати чело вѣчески, и согрѣшенія весьма грознута, не точію яже противъ творца моего и Бога: но ктому и противу ближнихъ моихъ. Убо не оставляю и тѣхъ моихъ злыхъ дѣяній безпокаянія: но о всѣхъ согрѣшеніихъ моихъ вседушно каюся, вся вы обще пра вославныя христіаны смиренно молю, яко да оставите ми согрѣ шенія моя: отецъ же вашъ небесный оставитъ и вамъ согрѣше нія ваша. Азъ же многгрѣшный отъ смиреннаго моего лица всѣмъ вамъ подаю прощеніе, мѣръ и благословеніе. в первыхъ же благовѣрному и христіолюбивому во святомъ душѣ сыну лю безному Великому Государю царю и великому князю Алексію Михайловичу всея Великія и Малыя и Бѣлыя Россіи Самодержцу. И его великаго Государя супругъ благовѣрной и христіолюбивой царицѣ и великой княгинѣ Наталіи Куріиловнѣ. И его Великаго Государя благовѣрнымъ чадомъ. Благовѣрному и благородному христіолюбивому Государю царевичу и великому князю Ѳеодору Алексіевичу всея Великія и Малыя и Бѣлыя Россіи и благо вѣрному и благородному и христіолюбивому Государю царевичу и великому князю Іоанну Алексіевичу всея Великія и Малыя и Бѣлыя Россіи и Благовѣрному и благородному и христіолюбивому Государю царевичу и великому князю Петру Алексіевичу всея Великія и Малыя и Бѣлыя Россіи и Его великаго Государя бла городнымъ сестрамъ, Благоговѣрной и благородной и христіолюбивой царевнѣ и великой княгинѣ Иринѣ Михайловнѣ и благо родной и христіолюбивой царевнѣ и великой княгинѣ Аннѣ Ми хайловнѣ и Благовѣрной и благородной и христіолюбивой ца ревинѣ и великой княгинѣ Татіанѣ Михайловнѣ и Его великаго Государя благовѣрнымъ дочеремъ. Благовѣрной и благородной и



христілюбивой царевнѣ и великой княжнѣ Евдокіи Алексѣевнѣ и благовѣрной и благородной и христілюбивой царевнѣ и великой княжнѣ Марѣ Алексѣевнѣ, и благовѣрной и благородной и христілюбивой царевнѣ и великой княжнѣ Софіи Алексѣевнѣ, и благовѣрной и благородной и христілюбивой царевнѣ и великой княжнѣ Екатерины Алексѣевнѣ, и благовѣрной и благородной и христілюбивой царевнѣ и великой княжнѣ Маріи Алексѣевнѣ, и благовѣрной и благородной и христілюбивой царевнѣ и великой княжнѣ Теодосіи Алексѣевнѣ. Оставляю миръ и благословеніе, желаю всякаго благополучія в мирѣ семъ: изряднѣе же вѣнцевъ славы царствія небеснаго по многихъ лѣтѣхъ неблазненнаго наслѣдія; аще же и самъ азъ предъ ними великими государи в чесомъ несправихся, или прегрѣшихъ, во всемъ томъ от ихъ пресвѣтлости прощенія желаю. По семъ прилежно молю, во святѣмъ душъ сыны и сослужители смиренія нашего, преосвященныя митрополиты, архіепископы, и епископы, аще яко человекъ въ чесомъ предъ ними погрѣшихъ, словомъ или дѣломъ, вѣданіемъ, или невѣданіемъ, или внезапною каковымъ совосхитився, кого ихъ оскорбихъ, да благоволятъ ми грѣшному дати свое прощеніе, миръ и благословеніе: и во святыхъ своихъ молитвахъ да помутъ мя незабвенна, во еже бы ми грѣшному ихъ пособіемъ премирнаго достигнути безбѣдно пристанища небеснаго: и въ селеніяхъ небесныхъ съ праведными водворенію сподобитися. Азъ же ихъ преосвященству всѣмъ оставляю прощеніе и послѣднее воздаю лобзаніе, Преподобнымъ архимандритомъ, всечестнымъ игуменомъ, священномонахомъ и протопопомъ, честнымъ іереемъ, протодіакономъ, и діакономъ, монахомъ и монахинямъ, и всему причту церковному, всѣмъ сущимъ под властію патріаршества нашего, и в епархіи великаго Нова града и великихъ Лукъ, и в епархіи сарской и подонской, съ прочими ихъ грады и селы и предѣлы. Оставляю миръ благословеніе и прощеніе, самъ отъ нихъ прося прощенія, аще что яко человекъ предъ ними погрѣшихъ, или кого ихъ оскорбихъ, и молитвъ святыхъ ихъ требую в пособіе спасенія души моея грѣшныя. Еще подаю прощеніе и благословеніе всѣхъ пресвѣтлаго царскаго величества совѣтохранителемъ, благороднымъ княземъ, и бояромъ, и всему суггилу, и полатѣ, и всему христілюбивому воипству. Напоследокъ и всѣмъ православнымъ христіаномъ всякаго сана, и чина, обоюго пола, и всякаго возраста людямъ в повиновеніи церкви матери сущимъ, оставляю миръ благословеніе и прощеніе. И самъ аще кого ихъ опечалихъ, прогнѣвахъ,

оскорбихъ, озлобихъ словомъ или дѣломъ, или кого соблазнихъ да благоволятъ непекуству моему прощеніе все даровати, вѣдаяще яко всякъ человѣкъ подлежитъ страстямъ и немощемъ. Отъ всѣхъ купно прошу прощенія, и святыхъ молитвъ в поспѣшеніе совершеннаго отъ Бога оставленія грѣховъ моихъ усердно требую. Аще же въ епархіи вашѣй патріаршѣй, во время преждее послѣ отшествія со престола брата нашего патріарха Никона между-патріаршества, тогда врученно имѣхъ блюстительство святого сего престола, или нынѣ во днѣхъ патріаршества нашего, или во епархіяхъ нашихъ бывшихъ сарскѣй и подонскѣй: и великаго Новаго грѣха и великихъ Лукъ, отлучихъ вѣкоего священника, или діакона, по правилѣмъ святыхъ апостолъ, и богоносныхъ отецъ, отъ служенія за ихъ недостойнство совершенно возбравяющее священство или, или вѣщия во изпредѣленіе (sic) за нѣкыя ихъ тяжшія вины заточивъ сихъ всѣхъ свобождаю прошаю и разрѣшаю, кромѣ священнодѣйства. Аще же люди отъ причастія божественныя еucharistia, и отъ входа церковнаго, нами отлучени суть, всѣмъ таковымъ входъ церковный кающимся отвергаемъ, и общеніе святыхъ таинъ разрѣшаемъ. Аще же нѣдѣи отъ сихъ кѣихъ либо ради вѣнъ не успѣвши отъ нашего смиренія прощенія получить, и отъ сего міра въ домъ вѣчности предвариша мя, и азъ и тыи вся отъ всѣхъ ихъ вины и юзъ благодатию всесвятаго и животворящаго духа имамъ прощенны и разрѣшенны. Аще же кто в чесомъ намъ позарѣ или подсмѣя, или чѣмъ ны уничижи, или злослови, или клевета явленно и тайно, и за оскудѣніе ума своего во ничтоже вѣнни, или бояся насъ не исповѣда намъ, или отцемъ своимъ духовнымъ, и нынѣ еще живи суще, или нѣдѣи ихъ уже и умерше, всѣмъ симъ всемилостивый Богъ да проститъ и да не вѣннитъ имъ Господь сего во грѣхъ: не бо вѣдеша что твориша, или глаголаша, от нашего же смиренія все прощенны и разрѣшенны суть во всѣхъ сихъ. В дому пресвятыя Богородицы и нашемъ патріаршѣмъ, добръ работающіи, и повелѣнію нашему покаяющіися, и о потребахъ домовныхъ прилежащіи, приказнымъ наши, бояри, казначей, діаки, и прочіи споспѣшествующіи имъ, и вси церковници, и домовніи служители дворяне и служебники да будутъ отъ нашего смиренія благословени нынѣ и в день вѣка. Аще в чесомъ яко человѣци не хитросно погрѣшиша, или простотою, или забвеніемъ, или яковымъ нехитростнымъ небреженіемъ, гдѣ что домовое не ради своего злопріобрѣтенія, или умысломъ яковымъ изгубиша, даю имъ прощеніе и благословеніе. Аще же дьявольскимъ наводненіемъ кто изъ нихъ в чесомъ намъ, или дому



нашему неправду или обиду сотвори, или неправедно суди, или что домовое, или собственное наше украде, или похити, и послѣди покайся, или нынѣ вається, и отцемъ духовнымъ своимъ исповѣдася, и впредѣ таковыхъ неправдъ общается не творити, и не красти, ниже хищати, или обиду какову творити. да будетъ таковой прощенъ отъ насъ, и разрѣшенъ. аще же кто ихъ о сихъ злѣхъ содѣянныхъ небреже донынѣ, и во ничтоже сія положи, и впредѣ покаяться и исправитися не хошетъ, о такомъ азъ вны не пмаю, но самъ о себѣ нелицемѣрному суди всѣхъ Христу Богу слово да воздастъ таковой. Сотворшимъ же моему смиренію милость вниуждахъ моихъ, или в скудости, или в трудѣхъ, или в путныхъ хожденіяхъ, или въ коей либо славно католической восточной церкви, и нашему смиренію противишася, и еще своимъ жестокосердіемъ и ненаказаннымъ непокорствомъ, догматомъ церковнымъ неповинушася, или неповинуются, и своею тщетною и суемысленною лестію и лукавствомъ блязнь и раздоръ в міръ изнесоша, развратницы и раздорницы церковнаго согласія, иже сѣбѣаютъ церковное исполненіе, и от единства матере духовнородившія ны, уды здравыя отторгоша, но таковыи оставившіи честная заданія богодухновенныхъ догматъ, богомудрыми отцы основанная на краеугольномъ камени Ісусѣ Христѣ злато, серебро, каменія честная сами по своему непокаянному сердцу, в день гнѣва бремя своего мнѣнномыслиа дрова, сѣно, стебліе понесутъ, ихъ же мнѣнноздание огнь сожжетъ: таковыи мнѣнноздатели, по Апостолу, огнемъ спасутся. Но даждь Боже да покаются вси таковыи, и притекутъ яко блудныи сынове к тебѣ милостивому и щедрому отцу и пріимутъ перстень даръ святаго духа оставленія грѣховъ: и одѣются въ ризу боготканную, и испранную в крови Христовѣ. и снѣдятъ пасху на кійждо день живожренную в таинственномъ служеніи, в видѣ хлѣба и вина, а҃гца непорочнаго и пречистаго Христа вземлющаго грѣхъ міра, и паки да будутъ сынове свѣта по благодати, соединенни церкви святой матери своей родившей я банею паки бытія.

На послѣдокъ уже в домъ вѣчности своя отходя, домъ, матере Божіей всечестнаго ея Успенія, первопрестолный богохранимаго царства російскаго храмъ, и вся служители его труждающыяся въ немъ Господу, протопопы, священники, діаконъ, и прочіи. вся церковники. Такжеже приказныи люди, боярина, казначѣи, діаки, старцы, и дѣти боярскіи, и вся домочадцы, вручыю всемогущему Богу в покровъ его и защищеніе: По немъ же любезному сыну святыи церкви и нашего смиренія, Благочестивѣйшему, тишай-



шему, самодержавнѣйшему, великому Государю царю и великому князю Алексію Михайловичу всея великія и Малыя и Бѣлыя Россіи Самодержцу: Моля его царское благоутробіе, да яко доселѣ домъ сій святой, и мое смиреніе благоволи милостивно снабдѣвати, во все время архіерейства моего: тако и по отшествіи моемъ отъ временныхъ въ вѣчная, не пренебрежетъ милосердно хранити, но паче да потщится, елика сила его, отъ всѣхъ бѣдъ и скорбей и нашествій защищати, со всѣми люботрудающимися въ немъ. Наипаче же дондеже всѣхъ благъ промышленникъ, и высочайшій правитель церкви святыя своя Христосъ Господь благоводитъ согласнымъ всего священнаго собора избраніемъ, и его пресвѣтлаго царскаго величества повелѣніемъ и утвержденіемъ, достойнымъ толикія крайнія высоты лицемъ, престолъ сій честный немедленно украсити, и возвеселити: и словесную паству свою добрымъ пастыремъ обрадовать. Чесого азъ отъ всея души моя чадомъ моимъ въ душѣ Святѣ любезнѣйшимъ желая, сіе духовное мое писаніе Бога слова словесы заключаю: блюдите, бдите, и молитесь, не вѣсте бо когда время будетъ. Бдите на всяко время, вечерю и утро, во дни, и въ нощи, въ младости и старости: смерть бо не спитъ, но спящія ны будитъ безпрестанно. Прилагаю и верховнаго Апостола увѣщаніе: братіе, трезвитесь, бодрствуйте, зане соупостать вашъ діаволъ яко левъ рыкая ходитъ, искій кого поглотити. Бдите съ мудрыми дѣвами, имѣюще свѣтилники ваши украшенны: и женихъ небесный пришедъ въ полнощи отверзетъ вамъ двери чертога своего, и введетъ вы въ вѣчную радость, отца своего: еже буди буди аминь.

По отдаваніи всѣмъ послѣдняго цѣлованія, и архіерейскаго благословенія, въ первыхъ убо, вручаю душу мою грѣшную Господу Богу моему создавшему ю, моля его божественное благоутробіе, яко да благоволитъ, яко образъ неизреченныя славы своя милостивно пріяти ю, и въ склянѣхъ небесныхъ пресвѣтлыхъ съ праведными вчинити. По семъ, тѣло мое окаянное отдаю общей всѣмъ матери земли, отъ нея же взято бысть: и да будетъ погребено, идѣ же Благочестивый великій Государь царь и великій князь Алексій Михайловичъ всея Великія и Малыя и Бѣлыя Россіи Самодержецъ благоволитъ.

Избираю же устроителя врученнаго мнѣ имѣнія, и отъ великаго Государя царя и великаго князя Алексія Михайловича всея Великія и Малыя и Бѣлыя Россіи Самодержца, дарованныя мнѣ милостыни, отца моего духовнаго іеромонаха Іоасафа, ему же, яко достойному вѣры мужу, вручаю въ первыхъ молити великаго



Государя царя и великаго князя Алексія Михайловича всея Великія и Малыя и Бѣлыя Россіи Самодержца помянути душу мою грѣшную, и приказать поминати какъ ему велику Государю все-милостивый Господь Богъ извѣститъ. Надѣюся же на милость его государеву крѣпцѣ, яко желая себѣ спасенія душевнаго: сице и о спасеніи души моея прилежно попечется. Прочее всеѣмъ православнымъ христіаномъ оставляю миръ и благословеніе. Писася завѣтное мое писаніе въ дому пресвятыя Богородицы пречестнаго ея Успенія и великихъ чудотворцевъ первопрестолниковъ россійскихъ Петра, Алексія, Іоны и Филиппа, и въ нашемъ патріаршемъ дому, въ лѣто 7304, года Мѣсяца Апрѣлѣа, въ 3<sup>і</sup> день. Неподписалъ же завѣтнаго моего сего писанія рукою моею за немощію моею точію ради извѣстія и вѣры написанныхъ в семъ завѣтѣ моемъ печати моея приложеніемъ утвердихъ.

Питиримъ мѣлтію Бжїею патріархъ москѡвскій ѿ всея россіи <sup>1)</sup>).

Сообщилъ М. Г. Поповъ.

---

<sup>1)</sup> Слова: «Питиримъ мѣлтію Бжїею патріархъ москѡвскій ѿ всея россіи» оттиснуты именной печатью Питирима, представляющею собою одну прямую строчку. Кромѣ этого, къ духовному завѣщанію прикрѣплена еще на шнурѣ круглая краснаго воска печать съ изображеніемъ на одной ея сторонѣ Богоматери и словъ: «Божїею милостію великій господинъ святѣйшій Питиримъ патріархъ москѡвскій ѿ всея россіи», а на другой — благословляющей руки и словъ: «Печать великаго господина святѣйшаго Питирима патріарха москѡвскаго ѿ всея россіи».



